



**An Rialálaí
Carthanas**

**Charities
Regulator**

An Beartas maidir le Ráitis Phoiblí

Rannóg	Rannpháirtíocht le Geallsealbhóirí
Uimh. Beartais	SE POL 8.2.1 002
Uimh. Leasaithe	000
Údar	John Farrelly
Dáta	Feabhra 2017
Formheasta ag	An Fhoireann Bainistíochta Feidhmiúcháin
I bhfeidhm ó	23 Feabhra 2017
Dáta Athbhreithnithe	23 Feabhra 2018
Leathanaigh	07



An Rialálaí
Carthanas
Charities
Regulator


1.0 Cúlra – Cé sinne

Bunaíodh an Rialálaí Carthanas mar Údarás **neamhspleách** ar bhonn reachtúil i mí Dheireadh Fómhair 2014 de réir an Achta Carthanas 2009. Tá an Rialálaí Carthanas freagrach as gach carthanas a dhéanann gníomhaíochtaí i bPoblacht na hÉireann a chlárú agus a rialáil.

Ár Misean:

‘An earnáil carthanas a rialáil chun leas an phobail d’fhonn comhlíonadh an dlí a chinntiú agus d’fhonn tacú leis an dea-chleachtas i rialachas, i mbainistíocht agus i riarachán carthanas’.

Ár Luachanna:



Ár bhFeidhmeanna:

- Iontaobh agus muinín an phobail as bainistiú agus riaradh iontaobhas carthanúil agus eagraíochtaí carthanúla a mhéadú.
- Comhlíonadh a ndualgas ag iontaobhaithe carthanas a chur chun cinn i rialú agus bainistiú iontaobhas carthanúil agus eagraíochtaí carthanúla.
- Úsáid éifeachtach maoiní iontaobhas carthanúil nó eagraíochtaí carthanúla a chur chun cinn.



- Cuntasacht eagraíochtaí carthanúla do dheontóirí agus do thairbhíthe bronntanas carthanúil, agus don phobal, a chinntiú.
- Tuiscint a chur chun cinn ar an gceanglas gur chun leas an phobail a bheidh aidhmeanna carthanúla.
- Clár d'eagraíochtaí carthanúla a bhunú agus a chothabháil.
- Comhlíonadh an Achta seo ag eagraíochtaí carthanúla a chinntiú, agus faireachán a dhéanamh ar an gcéanna.
- Imscrúduithe a dhéanamh de réir an Achta seo.
- Feabhas ar riaradh agus bainistiú eagraíochtaí carthanúla a spreagadh agus a éascú trí faisnéis nó comhairle a sholáthar, lena n-áirítear go háirithe ar mhodh treoirínite, cód cleachtais agus doiciméad bunreachtúil eiseamláireach a eisiúint (nó, de réir mar is cúí leis, a cheadú).
- Cibé gníomhaíochtaí a sheoladh nó cibé faisnéis (lena náirítear faisnéis staidrimh) a fhoilsiú a bhaineann le heagraíochtaí carthanúla agus iontaobhais charthanúla agus is cúí leis.
- Faisnéis (lena n-áirítear faisnéis staidrimh) nó comhairle a sholáthar don Aire, nó tograí a chur faoina bhráid nó faoina bráid, maidir le hábhair a bhaineann le feidhmeanna an Rialálaí.

2.0 Réamhrá

Ceann de phríomhfheidhmeanna an Rialálaí Carthanas is ea iontaobh agus muinín an phobail as bainistiú agus riaradh carthanas a mhéadú agus a chinntiú go bhfuil eagraíochtaí carthanúla cuntasach do dheontóirí, do thairbhíthe agus don phobal. Is iad croíluachanna an Rialálaí Carthanas neamhspleáchas, cothroime, oscailteacht, foghlaim, rannpháirtíocht agus comhréireacht. Is é cuspóir an bheartais seo forbheathnú a thabhairt ar an gcur chuige a ghlacann an tÚdarás i leith ráitis phoiblí a dhéanamh maidir lenár ngníomhaíocht rialála.

3.0 Raon feidhme

Leagtar amach sa bheartas seo an cur chuige cumarsáide seachtraí a ghlacaimid i leith ár gcláir oibre rialála.



4.0 Cineálacha Gníomhaíochta Rialála

Tugann an Rialálaí Carthanas faoi leibhéil dhifriúla ghníomhaíochta rialála (fíor 1) chun comhlíonadh an Achta Carthanas (an tAcht) a chinntiú agus chun faireachán a dhéanamh ar an gcomhlíonadh sin. I ngach cás, bíonn an ghníomhaíocht rialála ar fad bunaithe ar aon riosca measúnaithe ar neamhchomhlíonadh agus bíonn an ghníomhaíocht comhréireach leis an riosca sin.

Fíor 1 – Cineálacha Gníomhaíochta Rialála

Gníomhaíocht Obair réamh-imscrúdaithe	Cuspóir
Fiosrúchán/cásobair	<ul style="list-style-type: none">ábhair imní a fháil ón bpobal/ó pháirtithe leasmharafógraí a fháil ó Charthanasfianaise a bhailiú chun measúnú a dhéanamh ar a chruinne atá líomhaintí a fhaightear tríd an bpróiseas ábhar imní.fianaise a bhailiú chun a fháil amach cé acu atá nó nach bhfuil an carthanas ag comhlíonadh an Achta.
Scrúdú alt 68	<ul style="list-style-type: none">fianaise a bhailiú chun a chinneadh cé acu ba cheart nó nár cheart cigire a cheapadh chun imscrúdú a dhéanamh ar ghnóthaí na heagraíochta carthanúla.
Gníomhaíocht Obair imscrúdaithe reachtúil	Cuspóir
Imscrúdú alt 64	<ul style="list-style-type: none">imscrúdú a dhéanamh ar ghnóthaí eagraíochta carthanúla agus tuairisc a ullmhú ina leith.



**An Rialálaí
Carthanas**
Charities
Regulator

5.0 Ráitis maidir le gníomhaíocht réamh-imscrúdaithe

Ní gnách go bhfoilsíonn an Rialálaí Carthanas ráitis maidir lena ghníomhaíocht réamh-imscrúdaithe i ndáil le haon charthanas ar leith. I gcásanna áirithe, áfach, d'fhéadfadh go gcinneadh sé:

- go mbeadh sé chun leas an phobail ráiteas a eisiúint
- go méadófaí iontaobh agus muinín an phobail as carthanas ach ráiteas a eisiúint

Mar shampla, i gcás:


- go bhfuil spéis shuntasach ag an bpobal i rannpháirtíocht rialála an Rialálaí Carthanas le carthanas agus/nó go bhfuil clúdach suntasach ann sna meáin ar rannpháirtíocht rialála an Rialálaí Carthanas le carthanas agus go mbaineann tábhacht phoiblí leis an tsaincheist atá i gceist
- gur mian leis an Rialálaí Carthanas ábhair áirithe a shoiléiriú nó freagairt go poiblí do shaincheistanna áirithe a tarraingíodh anuas
- gurb eol don phobal gur ciontaíodh duine aonair a bhfuil baint aige/aici le carthanas i gcion a bhaineann le cás de chuid an Rialálaí Carthanas
- i gcás go measann an Rialálaí Carthanas go dtarraingíonn cás ar leith saincheistanna anuas a d'fhéadfadh a bheith ina riosca do charthanas eile nó do dheontóirí (d'fhéadfadh go bhfoilseodh sé foláireamh ginearálta i gcásanna den sórt sin freisin)

6.0 Ráitis maidir le hobair imscrúdaithe reachtúil an Rialálaí Carthanas

Chun leas an phobail, eiseoidh an Rialálaí Carthanas ráiteas poiblí de ghnáth nuair a osclaíonn sé imscrúdú reachtúil ar charthanas.

Ní eiseoidh an Rialálaí Carthanas ráiteas ar an ábhar i gcás go measann sé nach mbeadh sé sin chun leas an phobail nó i gcás nach eol d'iontaobhaithe an charthanas lena mbaineann go bhfuil imscrúdú á oscailt.

D'fhéadfadh go gcinneadh sé gan ráiteas a eisiúint sna cásanna seo a leanas freisin:



**An Rialálaí
Carthanas**
Charities
Regulator

- i gcás go rachadh sé i bhfeidhm ar imeachtaí dlíthiúla, ar phróis chúí nó ar an toradh éifeachtach ar imscrúdú an Rialálaí Carthanas nó ar oibríochtaí nó ar imscrúduithe Údarás/Gníomhaireachtaí eile stáit, nó i gcás go ndéanfadh sé dochar do na nithe sin
- i gcás go mbeadh sé díobhálach do dhuine aonair nó do ghrúpaí daoine aonair ar leith, mar shampla, riosca do shábháilteacht phearsanta duine aonair
- i gcás go ndéanfadh sé difear míchuí d'ógairachtaí tráchtála nó go mbeadh sé ina chúis le ceisteanna slándála náisiúnta
- i gcás go mbeadh sé chun aimhleasa an charthanais agus/nó a thairbhithe
- i gcás go ndéanfadh sé dochar do dhualgais dhlíthiúla an Rialálaí Carthanas nó go sáródh sé na dualgais sin


I bhformhór na gcásanna, déanfaidh an Rialálaí Carthanas an tuarascáil imscrúdaithe a fhoilsiú tar éis chríochnú aon imscrúdaithe, ach amháin i gcás go bhféadfadh go rachadh sé sin i bhfeidhm ar imeachtaí dlíthiúla, ar phróis chúí nó ar an toradh éifeachtach ar aon chaingean chúirte fhéideartha nó i gcás go bhféadfadh go ndéanfadh sé sin dochar do na nithe sin.

7.0 Freagra a thabhairt ar cheisteanna maidir le gníomhaíocht rialála leanúnach

Is minic a fhaigheann an Rialálaí Carthanas ceisteanna ó na meáin maidir lena rannpháirtíocht le carthanais i ndáil le saincheisteanna rialála.

Is í foireann rannpháirtíochta an Rialálaí Carthanas a phléann leis na ceisteanna sin.

I bhformhór na gcásanna, ní dhéanfaidh an Rialálaí Carthanas trácht ar a obair rialála (lasmuigh de ráitis fhormheasta phoiblí) agus ní thabharfaidh sé aon sonraí nua faoi imscrúduithe toisc go bhféadfadh go ndéanfadh sé sin dochar do phróis chúí agus don toradh ar a obair rialála.



An Rialálaí
Carthanas
Charities
Regulator

8.0 Athbhreithniú Beartais

Déanfaidh an Ceann um Rannpháirtíocht le Geallsealbhóirí athbhreithniú rialta ar an mBeartas seo mar thoradh ar aon táscairí reachtacha nó aon táscairí eile agus faoi dháta athbhreithnithe sonracha an Bheartais i gcás ar bith.

9.0 Oiliúint Foirne

Cuirfidh an Rialálaí Carthanas ar chumas na mball foirne chun bheith ar an eolas faoin mbeartas seo, an beartas seo a thuiscint agus gníomhú de réir an bheartais seo agus iad ag obair thar ceann an Rialálaí Carthanas, agus cuirfidh sé oiliúint orthu i ndéanamh amhlaidh.

10.0 Stair Leasaithe

Uimhir Leasaithe	Dáta Athbhreithnithe	Cúis leis an nuashonrú
000	23 Feabhra 2017	D'fhormheas Bord an Údaráis an beartas